

於奎再觀文明之治光合於壁復還淳古之
風上體天心下孚民望更莫然燈之後五星
順度兩曜增輝寒暑不愆躋兆民於仁壽雨
暘時若析百穀之豐登蠢動含靈咸資化育
仰惠法象為上良緣念

三清三境天尊 九天錫慶天尊
十方靈寶天尊 不可思議功德

○洪恩靈濟真君七政星燈儀

洪恩靈濟真君事實

御製靈濟宮碑

壹十

朕惟自古英賢生為名臣著比民之功沒
為明神贊天地之化鼓動流靈行平兩間
以隆福斯民禦災捍患飲枯吹生灌漑洋

洋如在其上如在其左右者非智慮所可
得而測也詩曰神之格思不可度思矧可
射思其此之謂歟惟

九天金闕明道達德大仙顯靈濟真人江

王

○九天王闕宣化扶教上仙昭靈博濟真人饒

王其功德充溢蓋若是已神南唐之宵生
有民社之勳沒錄仙班之籍伯仲齊美華
尊職芳領職

上天耀靈下土呼吸感應電邁風行下民是

胃父母其依慈祥仁愛物類以寧乃者朕
躬弗豫用藥百計罔底于效神默運預靈
緝衛朕躬頃刻弗違隨叩隨應屢顯明徵
施以靈符天醫妙藥使殆而復安仆而復
起有回生之功恩惠博矣盛矣朕揆德涼

薄何由獲壽永懷神德焉其能忘海濱嶽
竣其焉有極蓋有功必報國之恒典走用
祝冊加封神號伯曰清微洞玄沖虛妙感
慈惠護國庇民洪恩真君仲曰高明弘靜
沖湛妙應仁惠輔國祐民洪恩真君舊號

俱如故大新廟宇允奕軒豁稱神所獲爰
勅有司虔潔香火春秋祭祀歲易時衣給
灑掃五戶表朕惻愍答神鴻休雖然神功
之厚而報資之薄神固無責於報否在朕

心有不能已矣夫天地之德曰生神體天
地之道弼亮化機出幽入明翕張歛忽遊
遊太清監觀四方濟利群生功在霄壤昭

昭若此固有不可得而名言者乃彰神績
勅于貞石樹之于廟垂示無窮并系以詩

曰
天產英靈為世傑 出入幽明猶一覲
生著勲勞保瓊粵 沒為明神崇偉烈
芒芒海甸倚芭樨 雨暘寒燠調以劑
冬無凌兢夏無暘 沍氣遠殄靡颺颺
下徐高黍歲穰秣 驅拂不祥走祲孽

天產英靈為世傑 出入幽明猶一覲
生著勲勞保瓊粵 沒為明神崇偉烈
芒芒海甸倚芭樨 雨暘寒燠調以劑
冬無凌兢夏無暘 沍氣遠殄靡颺颺
下徐高黍歲穰秣 驅拂不祥走祲孽

晨鍾暮鼓樂聲盈 卓彼蒼峯峻且巍
繞迴四抱天造設 春蘭薦芳秋鞠翻
寒泉白石漱清潔 神之遊兮羽葆翳
飛雲翩翩運憶節 歛來忽往靈德恣
呼吸響應速以偈 濟利溥博無時愒
四時報享繁獻醴 銜朕之功曠與埒
惟矢銘心與刻骨 書恩著德勒堅碣
垂示萬古昭日月
永樂十五年五月初一日

二真成仙

徐知證系出偃王之後五代時南唐人與其弟知謬並英邁絕倫寬仁愛物忠君孝親崇信三寶同心好善精勤至道修齋設醮日常持誦玉皇真經并寶號兄弟俱事吳其後知證封江王知謬封鏡王鎮金陵戰守有備撫輯疏亡控扼二十餘州征就寬軍給以饒林蜜洞營守條死要難羞婦遂連手歌詠上無所怨下無所讎江南之民舉賴以安後奉命帥師攻閩惡良善荼毒乃發至願每五更

望北拜斗早膳恒素食祈珍兵革所至勞來百姓諸郡望風以城降父老寡食常漿擁道迎之次峽江有潰卒數百阻山為亂立命殲其渠魁餘卒棄甲時舞不戰而收民皆安堵雖田園蔬稻一無所犯乃相謀曰此吾復生之父母也立祠於麓峯以祀之未幾兄弟相繼仙去遂為斗中都水使者出入天宮積行累功默佑下民俾人皆盡忠行孝崇信三寶遇歲旱民構祠下祠前潭水深不可測俄有靈蛇出蜿蜒于几案間色如丹砂雲起潭面竟日不收詰旦果雨歲大熟一日潢溪霖潦暴溢田稼墊溺眾方狼顧失色忽見有役夫千群競操舂舂舂其源決其流水竟不為民害已而俱失所在乃神兵也滄峽灘石峻險舟船上下失勢水工叫呼祈佑感雲中有黃旗隱隱即帖然無虞凡民居有不戒于火者有蝗蝻傷其稼者叩之則反風滅火蝗蝻飛去又為符藥以施人凡嬰疾弗愈者服之無不立效祈子息者服之即得嗣續蕃昌由是民安物阜田里晏然閩人劉彝守桂州交趾

蠻賊寇邊陷欽連等州彝震懼莫知所為齋戒禱賊果潰去其後韓世忠戰大儀鎮吳玠戰和尚原俱遣將士衛國效八公山草木之靈使敵遠見旗幟旌麾虜揚山谷鐵騎百萬行陣嚴肅鉦鼓之聲震動原野不待交兵而已賊北靈蹟顯異不可備述一日黃蘗齋進忽聞天樂鳴空祥雲環遠仙官導從甚都乃感天帝遣神人頒誥封江王為九天金闕明道達德大仙顯靈溥濟真人主管上清天文院便宜行事行文昌司祿上宰會書天機省事妻陸國夫人許氏順助仁惠仙姑兼管太乙延生右真司事鏡王為九天玉闕宣化扶教上仙昭靈博濟真人主管下元地府諸司便宜行事權南極注生上相會書雷霆玄省事妻衛國夫人陶氏善助慈懿仙姑兼管元皇北陰注生司事仍封父忠武真人母仁壽仙妃此者朕躬遠疾照運化機大闢靈貺網衛左右頃刻不離施以靈符濟以天醫妙藥隨言隨效感應如響使因救之體既危而即安沈痼之疾盡脫而復舊軀旋之力同於

更生感神之惠銘刻不忘是用祝冊加封伯
 曰清微洞玄冲虛妙感慈惠護國庇民洪恩
 真君溼國夫人加封貞應仙妃仲日高明弘
 靜冲湛妙應仁惠輔國佑民洪恩真君衛國
 夫人加封恭靜仙妃神父曰翊亮真君神母
 曰淑善仙妃舊號俱如故大新開地祠宇又
 於京都建立行祠以安神棲特勅所司嚴奉
 祀焉

夫為人臣而功施社稷澤被生民者必生
 為英傑死為明神雖百世之下攝佑生靈
 陰翊皇化觀知證知謬以世胃之高事主
 李世乃能靖難一方保全其民既攻闕中
 按甲入境首除亂兵脫民絳餉之慘措之
 衽席之安是以人心感激靡克報稱乃立
 生祠以祀之遠其外去禦大吏釋大患使
 民無凶荒疠癘之憂遂休養生息之樂功
 成行滿上感天心錫號真人叙列仙品比
 者幹運化機大開靈貺愈疾朕躬是用加
 以徽號新其祠宇虔奉享祀以答神休斯
 皆累積陰功之所致故昭昭不朽與天地

相為悠久夫豈偶然而已哉詩曰
 事親盡孝事君忠 華華聯芳孰與同
 更復精勤修至道 並分茅土受王封
 又
 當年駐節向金陵 萬里江南不識兵

師入七閩人按堵 幾多福澤在生靈
 又
 歲旱靈潭起蛟龍 大施霖雨作年豐
 潢溪水落民無患 滄峽舟船險更通

又
 蝗無傷稼火無過 田野均蒙惠澤多
 禍給靈符番子息 更能愈疾起沈疴
 又
 桂郡揚靈却寇蠻 現奇更效八公山
 神安百萬填山谷 頓解重圍頃刻間

又
 靈符妙藥出天醫 翊衛微躬不覺難
 起疾神功難報稱 再生感惠此心知
 又
 隨聲應感不移時 幹運功參造化機

馭氣乘風遊八極 天宮陟降闡靈威
 又
 生為名將建高勳 行滿成仙福有因
 京國驚峯長廟食 丹青錫號證天真

威靈濯濯更洋洋 衛國安民績愈彰
 不獨聲名昭日月 永同地久與天長
 保奏真君文

金闕侍中行九靈飛少章奏節制雷建臣王
 謹奏臣切謂道在無極之始冥冥杳杳不識
 不知非心思計慮之所能也自天真真人紫
 筆定書然後學道者得以探其源洩其流撰
 成科典靈文耳目斯世今有神焉以修春執
 戒為功以度死濟生為誓發為文辭合於科
 典凡曰長材秀民者莫不交口誦之其可稽
 於微聞乎切見九天金闕真人徐知證九天
 玉闕真人徐知證聲名冠世功德在民內察
 其行外觀其跡委是骨像合仙有心積善達
 功篤好三寶之士若非宿幸因緣窮神而知
 化者孰能如此所著九真妙戒化文九嶽神

燈科格三界科保馬科並出於太上玄言究
微摘實自然成章靈音肅咏以為浩劫津
梁所謂閉門造車者不計其歲月矣外有靈
濟醮科本願儀文七政燈科自非敢以為已
功從民請也臣性識疎愚為言輕賤考事察
能詮補職任躋進仙階今欲望聖慈允俞所
奏再將臣徐知益等所撰科典翻行三界合
屬去處各請遵稟照驗施行不惟顯靈濟濟
度之功亦足以張吾軍而慰民心之所望也
伏候
指揮

洪恩靈濟真君事實

羅天大醮早朝科朝科

各禮師存念如法

壹

青陽虛映 曜日回靈 神虎辟邪 飛天流鈴
摧奸滅試 萬魔束形 九微回道 八威攝精
千真校錄 三元蕩清 左嘯中黃 右策六丁
七轉八合 周旋天經 聖化巍巍 三道順行
慶雲流布 合景黃庭

鳴法鼓二十四道

無上三天玄元始三炁太上老君召出日身
中三五功曹左右官使者左右捧香金童傳
言散花玉女五帝真符直日香官各三十六
人出出者嚴裝顯服冠帶垂纓開啓玄壇土
地方域神真且今早朝陞壇行道朝謁
帝真謹奏為入意其諸誠意具載誠願得
太上至真道系靈寶瑞光下降流入日等身
中今日所啓之誠速達徑御
至真無極大道
三清上聖
昊天至尊金闕玉皇上帝神前

請稱法位

具位 與臨壇官眾等謹同誠上啓

虛無自然元始天尊元極大道太上玉皇君太
上老君高上玉皇十方已得道大聖水至真
諸君丈人三十二天帝君玉虛上帝玉帝大
帝東華南極西靈北真玄都玉京金闕七寶
瓊臺紫微上官靈寶至真明皇道君三十六
部尊經玄中大法師上相上宰上傳上保太
平下教二十四真人西城總真玉皇太乙真
人東嶽上卿司命茅君定錄保命二具人名
山洞府得道神仙三界官屬一切真靈恭望
洪慈洞回昭格

伏念臣久處法門未明玄奧持戒律幸保
替蒙思進道以怡神膺修陽德普度人而救
物庶積陰功凡有請祈宜容抑塞意有所出
情動于中齊官心詞謹當宣奏

宣詞

具如詞言灼見誠心冒瀆玄慈益深祇畏
且聞三炁純精五行麗質清濁混成之始先
物肇形圓方分判之初合章發秀靈氣交錯
非霧非煙靈薄浮羅或隱或現靈風振激抑